



UNIVERSITÄTS-
BIBLIOTHEK
PADERBORN

**Stella Benedictina Sive Regula Sanctissimi Patris Nostri
Benedicti**

Meyenschein, Benedikt

Hildesii, 1725

VD18 10311831

LXII. De Sacerdotibus Moasterii. Dignus adoptetur Monachus, qui Mysta
sacretur, Sacratúsque piás instet, ùt antè, vias.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

- a) *In cibo, potu, vestimentis &c.*
 b) *Seu Congregationi.*
 c) *Id est, ejici ex Monasterio.*
 d) *Id est, constanter maneat.*
 e) *Vitæ scil. merito, ut mox sequitur.*
 f) *Quidam referunt ad Verbum sequens, & sumunt pro aliquamdiu, sed malè; cum S. P. continuò subdat vocem, stabilire.*
 g) *Seu altiori vel digniori.*

17. APRIL. 17. AUG. 17. DECEMB.

CAPUT LXII.

De Sacerdotibus Monasterii.

Siquis Abbas sibi *a* Presbyterum *b* vel Diáconum ordinari petiêrit *c*, de suis *d* eligat *e*, qui dignus sit *f* Sacerdotio fungi. Ordinatus autem caveat elationem aut superbiam *g*; nec quidquam præsumat, nisi quod ei ab Abbate præcipitur, sciens se multò magis disciplinæ regulari subditum. Nec occasione Sacerdotii obliviscatur Regulæ obedientiam & disciplinam; sed magis ac magis in Deum *h* proficiat. Locum verò semper illum *i* atten-

attendat, quo ingressus est in Monasterium, præter officium Altaris, & si fortè electio Congregationis & voluntas Abbatis pro *l* vitæ merito eum promovere vo-
 merit. Qui tamen Regulam, à Decanis *m* vel Præpositis *n* constitutam sibi, servare *o* sciat. Quòd si aliter præsum-
 pserit; non Sacerdos, sed rebellio *p* judi-
 cetur. Et sæpe admonitus si non corre-
 xerit, etiam Episcopus adhibeatur in te-
 stimonium *q*. Quòd si nec sic emenda-
 verit, clarescentibus culpis projiciatur *r* de
 Monasterio: Si tamen talis fuerit ejus
 contumacia, ut subdi aut obedire Regu-
 læ *s* nolit.

a) *Id est, pro suo Monasterio.*

b) *Olim enim ex humilitate vix aut ne vix quidem unus in Monasteriis erat Sacerdos, cum tamen ob vitæ sanctimoniam plurimi essent digni: quod hodieum persæpe invertitur.*

c) *Vel à Summo Pont. vel ab Episcopo loci aut alio habente potestatem ordinandi.*

d) *Id enim multis de causis est convenientius.*

L

e) *Cum*

- c) Cum consilio saltè Seniorum, Ex Boërio § c. 3.
- f) Dignitas hæc pensanda est ex maturitate ætatis & morum, sapientiæ doctrinâ, & conversatione.
- g) Memor Sacerdotis æterni secundum ordinem Melchisedech, Christi JESU, per omnia humillimi atque obedientissimi.
- h) Id est, in virtutibus ad Deum ducentibus.
- i) In stando, eundo, sedendo &c. præterquam quando exercet officium Altaris.
- l) Id est, secundum vel propter vitæ meritum, non propter Sacerdotium præcisè, aut scientiæ magnitudinem. Ex Bernard, Cassin.
- m) Quales sint, vid. suprâ c. 21.
- n) Id est, Priore aliisque Superioribus.
- o) Alii interpungentes post constitutam, legunt sibi servari, alii servandam.
- p) Satis latinè pro rebellis, ut legunt quidam alii: Similiter enim Terentius in Andr. ait: Ubi est scelus, id est, sceleratus, qui me perdidit?
- q) Pro correctione ampliori, conformiter Cap. Abbates, 18. q. 2. § 3.
- r) De quo vid. notata c. 28. lit. g.

s) Per

Per Regulam hęc intelliguntur etiam præcepta Superiorum, ut patet ex anteced.

18. APRIL. 18. AUG. 18. DECEMB.

CAPUT LXIII.

De ordine Congregationis.

Ordines suos *a* in Monasterio ita conservent *b*, ut conversionis *c* tempus, & vitæ meritum *d* discernit *e*, utque Abbas constituerit *f*. Qui Abbas non conturbet gregem *g* sibi commissum, nec quasi liberâ utens potestate, injustè disponat aliquid; sed cogitet semper, quia de omnibus judiciis & operibus suis redditurus est Deo rationem. Ergo secundum ordines, quos constituerit *h*, vel quos habuerint ipsi Fratres, sic accédant ad pacem *i*, ad Communionem *l*, ad Psalmum imponendum *m*, in Choro standum. Et in omnibus omnino locis ætas non discernatur *n* in Ordine, nec præjudicet *o*, quia Samuel & Daniel pueri *p* Presbyteros judicaverunt. Ergo exceptis his, quos, ut diximus, altiori